

Badan Kesenian Melayu rebut Piala Pusingan di Pesta Silat

KETANGKASAN dan keaslian persembahan oleh Badan Kesenian Melayu telah membantunya mengondol Piala Pusingan Haji Yaacob Mohamed dalam Pesta Silat malam kemarin.

Dengan lincah dan cekap menggunakan senjata, enam 'pendekar' muda anggota badan tersebut telah memperlihatkan gerak-gaya Kuntau Melaka yang penuh keaslian.

Dan para penonton yang memenuhi Panggung Negara tentu bersetuju dengan keputusan jemaah pengadil bahawa persembahan 'pendekar-pendekar' itu adalah lebih baik dari lima kumpulan lain.

Kata ketuaanya, Mohd bin Din Mohd: Walaupun kami benar-benar berharap untuk berjaya, tetapi kami tidak menduga dapat mengondol piala pusingan ini."

Menurutnya, mereka telah berlatih sejak enam bulan lepas, sebaik-baik

saja mendengar pertandingan silat yang pertama itu akan diadakan.

Badan itu telah menempatkan Himpunan Queenstown di tempat kedua, dan Pasak di tempat ketiga. Menyusuli mereka ialah kumpulan Perwanit, Persatuan Bawean Singapura dan Pertapis.

Hadiah

Turut memeriahkan lagi pesta itu ialah persembahan silat batin oleh Perpensis dan Akhlak Seni Silat Harimau Malaysia, serta tarian silat Randa oleh Sriwana di samping persembahan kompang.

Hadiah-hadiah telah disampaikan oleh Menteri Negara di Pejabat Perdana Menteri, Haji Ya'acob Mohamed yang juga presiden Persekutuan Silat Singapura (Persisi).

Menteri Sains dan Teknologi, Dr. Lee Chiaw Meng juga hadir dalam Malam Persisi itu yang diadakan sempena Hari Kebangsaan dan Pesta Sukan yang sedang berlangsung.

● **KETUA** kumpulan Kuntau Melaka, Mohd bin Din Mohd diulang oleh 'pendekar-pendekarnya' bersama perisai dan piala kemenangan mereka. — Gambar BH oleh Tan Wee Him.

Pesta Silat di PN

23 AUG 1976

dapat pujian

SAYA ingin mengucapkan tahniah kepada Persisi kerana berjaya mengadakan satu Pesta Silat tempoh hari.

Ini adalah pertama kali satu pesta di peringkat kebangsaan diadakan di sini dan nampaknya persekutuan ini berjaya menganjurkan majlis dan acara di peringkat besar-besaran walaupun baru ditubuhkan.



Saya yakin dengan adanya usaha yang bersungguh-sungguh, persekutuan ini dapat memainkan peranan yang lebih giat dan penting dalam meningkatkan taraf seni silat di sini.

Apatah lagi ia telah diterima sebagai salah satu jenis sukan oleh Majlis Sukan Kebangsaan.

Perkara ini seharusnya menjadi satu daya penggalakan kepada semua pihak yang memang ingin melihat sukan ini diiktiraf sejajar dengan lain-lain jenis seni mempertahankan diri.

Sambutan yang diberikan oleh persatuan-persatuan yang bergiat dalam bidang tersebut juga adalah satu faktor yang menggalakkan.

Begitu juga sambutan dari orang ramai. Perhatian yang diberikan itu adalah satu tanda baik bagi perkembangan seni silat di sini sebagai satu sukan.

Ia memang dapat menambah kesihatan tubuh badan kerana selain dari hakikat ia dapat mempertahankan diri seseorang ia merupakan gerakan jasmani.



Usaha-usaha Persisi sepatutnya mendapat sokongan dari semua pihak dan hendaknya badan-badan lain yang masih belum menjadi anggota menyertainya.

Melalui ruangan ini saya ingin mengucapkan tahniah kepada mereka yang berusaha untuk menubuhkan Persisi dan terus mendukung cita-citanya.

PEMERHATI SENI SILAT
Singapore 15.

Singapura
ikut serta
dim. Seni
Silat Asia

Pertama

KUALA LUMPUR, Sabtu. — Lapan buah negara termasuk Singapura mengesahkan penyeretaan mereka dalam Pertandingan Seni Silat Asia pertama, yang dija-dualkan berlangsung di Stadium Negara, di sini pada 4 Disember.

Pengajar pertandingan tersebut, Mahaguru Omar Din Yang Dipertua Pertubuhan Seni Silat Lincah Malaysia memberitahu, negara-negara tersebut ialah — Indonesia, Singapura, Filipina, Negeri Thai, Jepun, Korea Selatan dan India.

Percaya

Katanya, Malaysia selaku tuan rumah, menganjurkan pertandingan itu untuk memperluas kegiatan senisilat dan memperkenalkan senisilat lincah ke peringkat antarabangsa.

Tahun lalu, pertubuhan tersebut berjaya menganjurkan pertandingan yang sama di peringkat negara-negara ASEAN.

Mahaguru Omar Din juga memberitahu, pertubuhannya telah membeli bangunan.

dua tingkat yang baru berharga \$250,000 terletak di Jalan Pahang.

Bangunan itu juga akan menjadi ibu pejabat baru pertubuhan tersebut dan beberapa biliknya disewa untuk perniagaan.

Sementara itu, seramai 35 orang ahli pertubuhan tersebut akan mengadakan lawatan sambil memperkenalkan senisilat lincah ke daerah Acheh di Indonesia pada 15 Oktober depan.

Lawatan ketiga ke Indonesia itu, menurut Mahaguru Omar Din, kali ini atas undangan Gabenor Acheh, Dr. Yusuf.

Pihaknya juga akan membawa lima orang wartawan tempatan untuk menyertai lawatan tersebut.